

德安府全志卷之四

風俗

易曰風行地上先王以省方觀民設教故教所以示於民也在上行之為風在下成之為俗鄭六邑淳澆不同然舊籍皆稱民淳王者不易民而治使長吏因其勢而利導之其復於醇厚奚難哉俗作風志

總論

士民純秀幾同魯之風宋勝甫表士多秀傑民多隱

德宋周必大地多饒確貨殖不饒惟俗喜儒學近

德安府志

卷之四 風俗

一

世名流相望而起宋李元喜儒尚義務簡民醇輿

安陸縣

自元季兵燹土著幾盡五方招挾民屯雜集明二

建宗藩財用誦乏地力既盡而民俗亦漸孱弱矣

文學風土記曰日給月單朝歌暮感蓋言人無終

日之計當其窮乏之伎求橫集此土風所為日薄而

趨下也陳志載元季之亂民匿山砦僅數十家五

方雜集地廣民稀習尚樸陋可以語野宣德而後

風土含厚之稍斤叙稱繁矣弘治中藩封丹



建道路斯通而民之耳目浸失其舊於是浮靡之風盈於市廛然土硠農惰產惟穀布無異貨河狹舟輕商賈不至民無餘貨雖欲艷奢侈詘於力焉若乃詩書之族由成化以來足稱冬勝范雍詩曰江邊無事州又曰民醇詞訟少今經塗四達疲於奔命欲無事焉不能矣語曰國有溫民則俗易化今其地濱河而渴則病末田賦不足以供徭役則病農比戶可晨星數則病士滿卽俗尚侈靡家鮮斗筲其役役於易衣併食之餘欲人心之淳何可得哉且市華而野陋統袴馳鶩者醉且歌而刈獲者饑克擔負者頓飽士之絃誦者無半菽總志之記孱弱不自今而始近復奸棍結黨健訟藉營武斷風氣之大變也司世教者念之

雲夢縣

土瘠民勞甫釋犁鋤卽勤機杼男婦老少皆然寒暑不輟土著賈人無重資市肆牙行出視遠商人之集不計其盈虛物情素號諄馴憂深思遠有唐人蟋蟀之風奉公忘義赴期會如響如鼓應枹經兵火後雖聞

有習染刁悍健訟行誣者如魍魎然臨之以曦烈而自竄伏矣

俗習知遵禮法閑家有則婦女無復江漢游冶之風

應城縣

舊志風俗其性固其俗醇男不輕商女惟紕織地瘠民貧衝疲殊甚是以富家鮮有宿儲士則敦詩說禮不失濂洛遺風古稱好禮少訟今知禮者鮮睢眦便興大訟持長吏長短亦時會使然乎

德安府志

卷之四 風俗

三

陳士元志云尚多仁義民淳而俗美余生也後不及覩先民之懿範嘗聞先人言弘治已前邑俗樵樸長厚少機心鉅門鴻族亦無縟禮有讌集持片相

邀客至則設短案不具豐席庠士長者有事學宮則青衿輩執役如子弟僮僕無愧色正德末年此風頓改近年讌集煩縟無節庠中小子或與長者抗席矣然故家崇儒雅喜文學齊民好氣多譁則猶夫咎焉蓋土壤視鄰邑獨磽瘠農夫貧苦儉嗇紳衿先生多好清修屢谷檢亦鮮千金之家嘉靖

間余師余公名應緒號三崖先生講學西河之上  
位至卿貳家如寒素戚里化之市廛富賈不得與  
孝廉庠士齒史祿以下不得呼縉紳先生字蓋安  
於管慣非強之也

士子負志勤誦讀制舉業代有聞人故甲第爲盛  
其留心古學寄興詩賦者亦復不少至於尚經之  
學詩易爲多書次之春秋戴記晨星而已

王僕名分令甲昭然自兵燹之後故家式微悍僕  
尾大稍爲整頓則反噬隨之習成訟棍造捏欸件

德安府志

卷之四 風俗

四

挾制官吏凌轢縉紳與孝感志載者比比而是執  
政君子力爲鋤治此風或可稍息而綱常以正也

孝感縣

邑負山濱湖其山聳峻故氣多亢爽其水清折故  
人多穎秀

五鄉業各不同白雲之人負山耕種射獵採藥多  
薪燒炭績麻爲葛皆可自贍郭下地瘠人亦少織  
六二鄉又風不盛又氣勁易爲鬪故亂離之際二  
鄉無以類數見也廣陽諸趙弘樂地濱湖少有魚

利其性。靡故。皆窳。無稽。聚。弟好學。人文之盛。弘廣爲最。諸趙次之。

士習素尚樸樸。後來漸入風雅。科第日盛。增聲施于史。人人赤幟矣。至於論道講。技藝仙釋亦間一問津焉。

士子治經。毛詩居多。尚書次之。春秋。訖。訖。又次之。惟周易不治。蓋。中從無。以此經雋者云。

民素純樸。今頗尚氣。健訟。每因睚眦。小忿。膚受。罔上。各以告多。先准衙門。大者爲勝。且必詭籍相蒙。

德安府志

卷之四

風俗

五

誑行。隔屬。蓋其意不必計較。羸輸而在。蔓引株連。巧行拖害。與應城同。雖先後有司。力加禁飭。而訐風不息。以期無訟難矣哉。

投繯赴水。自刎仰藥。諸圖賴。往歲多有死者。謂家爲苦主。敵家謂之克手。一人死。則其家鳩衆擁死。人入敵家。行掠。日打擄。不待對簿。而敵已被家矣。今率奉。上嚴禁。諸凡自殺者。繫置不問。年來漸知圖賴無益。人命之重。訟賴以稍息。

隨州

九域志曰潯山炎帝所生隨固耕耨之餘氓也澌  
農多樸降及近代聖神雖邈而井閭沕穆戶箠黨  
塾頗爲古道之遺是以新進喜秀傑而長老多隱  
德此民俗士風可詢於磽瘠之州者近或有健訟  
之風獯薄之俗在司教化者有以返之  
東南君子山民皆以小人爲耻俗多忠厚有君子  
之風

西北聖水河俗重人倫猶有古聖之遺焉

東北大義山民多尚義相習成風貧富不相耀也

德安府志

卷之四 風俗

六

西南歸仁村民習耕讀爲業俗尚醇良其化於歸  
仁者深矣

應山縣

張文潛四賢堂記曰其士民好文多學其俗善良  
不爭純靜易治

元魯璠與魏尹碑云其民秀而文其俗樸而儉  
宋元衡李子云貨殖不饒俗喜儒學而近世名勝  
之流相望不乏由進士第一者三人焉

節序

民間之作息。忙廟堂之祀寒暑雨也。司馬子長曰：上富爭時，下富爭力。玩日愒月，用弗力於身圖。是爲棄民顧莫爲之書。雖勤而弗彰，夫豈風七月之詩亦田家一歲作苦之事爾。周之君臣固已勗色而相告矣。則今之紀節序，豈將爲歲華徵麗哉。立春前二日，縣正檄令貿易者各視古傳，奇中已事。倩人肖像，皆架板支棚，帳導之街市集南門隙地。縣尉點視之，有粧飾不雅馴者責之曰：演春前一日，俱集東嶽觀，郡守率僚屬迎春於東郊，遠近無德安府志

卷之四 節序

七

叟孺雜踏歡呼，競觀爲樂。老農群視土牛顏色，以占水旱高下，宜種視芻苢帽鞋，以占閔恤。各官安毘導入府署，沿途競以茶鹽米豆拋打春牛，及諸故事，詰朝鞭春，謂之打春。蓋鞭土牛至碎也。縣正別以小牛，絲鞭餽鄉達各屬亦然。

正元旦，是日男婦夙興，盛服祀家神，毘視歲吉所向。提火拜廟，神口出方啓門，各以爆竹聲占利否。歸始闔門而拜，幼者拜尊長，以次爲差。鄉里親故交拜，或歛盛饌，或榼酒，以致椒盤屠蘇之瑞。五六日

方止比戶以爆竹聲角勝至村中道遠則不拘也  
村中人必致羔相餉俗曰年糍是月多有爲啖玉  
經會者

人曰荆楚歲時記剪綵事今不行惟以果食爲羹薦  
祖先群視是日陰晴以占疾病

穀日以陰晴占豐歉前此如初鷄二犬之說亦如之  
三元前三日剪紙爲燈綴以五彩好事者彫刊之細  
如宋工楮葉以張伎巧稍有力者或繪紗或料絲  
或羊鞞或鰲山或屏或額以勝相尚或架綵橫棚

德安府志

卷之四 節序

八

於衢而垂燈其下或藏詩謎以試推測或聚族爲  
龍燈或披錦爲獅猊或鼓吹導之街市自十三十  
四兩夜爲試燈十五夜爲正燈柝板度曲蕭鼓相  
答卜夜爲歡至十九夜方止元夜家製元宵團相  
餉又大者如鵝卵婦人視火候以占生產置燈釜  
上以膏餘否占本年休咎 六夜婦女出遊曰走  
百病然亦尋常家有之紳士家及稍有體者禁村  
中多請紫姑神爲樂

二月社日鄉各爲社會以祀社曰祈穀



花朝女郎穿耳年十二三以上者留髮及納采問盟  
多以是日爲吉

三月三日各視社爲醮日爲賀祖師成道亦或爲白  
兆遊

清明是日採柳枝供家神亦或插於鬢俱醮先塋日  
迎來盈月方止

二十八日爲東嶽誕辰城市及村廟咸修禊以壽  
四月八日各爲浴佛會於寺廟

午日造龍舟角黍以吊屈原俗誤爲禳時令故歛費  
德安府志

卷之四 節序

九

以醮後則聚飲方散女未字者壻家送花幣果羹  
日賀節女家酬亦如之然先數日舉行不拘午日  
也本日則採艾供家神餘蓄之採菖蒲及雄精滲  
酒舉家大小俱飲仍邀集賓好小兒則塗雄於額  
耳以避時氛

十三日爲關莊繆會城中演劇以賀村則醮

七夕荆楚歲時記曰七夕婦人結綵縷穿七孔針或  
以金銀鑰石爲針陳瓜果于庭中以乞巧有喜子  
綉於瓜上則以爲得今畧

中元家俱以冥錢羹酒祀祖先僧道募並蘭會與至不費或有爲三元會者

八月醮塋如清明制間有不行者行則自朔日起先後不拘日送往

中秋家設月餅瓜果讌集曰賞月或邀賓或彼此相餉

重九士大夫採茱萸携酒登高同侶嘯咏亦或製羔相餽多就籬培黃花好事者累至數十本種多而佳者爲勝是日造酒

德安府志

卷之四

十

冬至官相慶賀士夫家人

臘月八日家以果餅爲粥以祀佛或亦爲女郎穿耳問盟

小除日夜半祀竈神以飴餅生茗亦具細草數莖豆少許於盂中曰爲竈神芻馬

除日具羹飯庶饒冥祿以祀祖先姻黨合家分齋爲羹男女姻家綵幣禮及親好餽遺與午日同貼桃符春聯與諸方無異夜則家人行辭年禮置酒守歲簫鼓爆竹聲不絕

城池

自古金城湯池豈獨一形勢鎮天下哉亦省兵食  
富國用蘇民力之大謀也耶屬城池雖各殊制而  
補苴鑿濬其設險之義一也然險不如德民和食  
是則衆志成城金湯益勿永固矣作城池

德安

德安府志卷之四

明武二年守禦千戶王興修築十二年千戶湯  
聰所居之部山東來二濶夾流而盡於城  
其間三百丈北城高阜濠池城周一

德安府志

卷之四

城池

七

千一百八十八丈五尺計六里二百十三步東南

高二丈四尺西北城二尺為門四上建重樓成化

中樓圯千戶趙威重修又遠城為濠深一丈三

東南濶十丈一尺西北半之城西南隅架濠四舊

舊有梁西隅潦水為患浸及墻堤千戶趙威移石

長七丈濶三丈有奇千戶張能再增之嗣後民居

鱗集土解水齧復隍可慮正德十四年知府馬翕

復民侵地為橋始獲安瀾同知王瑞之關內外馬

路嘉靖二十六年知府李逢昂山東曰通江南

口拱漢西曰道漢北曰拱淮嘉靖三十一年水溢  
民居且爲城患知府徐貢元築城百里許稱徐公  
堤焉三十四年知府陳其雨築北門月城城周二  
十六丈崇丈有六尺雉堞四十左右爲門四十五  
年巡撫徐南金增垣如其高勢亦壯固天啓中知  
府李行志再修城樓改顏其額東曰三臺具瞻南  
曰鳳凰呈祥西曰君子垂芳北曰石柱擎天崇禎  
中巡道趙振業各城加崇三尺並二堞爲一又增  
建敵樓蓋登陴遠望之助也

清康熙元年東西城樓俱委風雨知府高翺更新  
之二年水潦南北城頽北樓亦圯知府高翺修葺  
崇墉如舊四年南樓亦圯安陸縣令高聯捷鳩工  
更新二十一年知府傅鶴祥見西樓頽朽創新之  
題曰太白樓數月間居民弗戒火焰樓災二十二  
年西北城圯於水知府傅鶴祥甃石爲脚置司水  
司洩目是城安磐石水不爲患二十四年知府傅  
鶴祥復捐貲重建西樓巍峩丹雘視管石如屹然  
有金湯之固是年東城亦圯知縣劉世英捐修

雲夢縣

舊無城以成化七年知縣鍾弼築土為垣長五里

高一丈五尺正德八年知縣孫復置北門樓嘉靖

二十四年知縣郭貴德置東西南三樓東曰朝陽

南曰迎薰西曰觀成北曰拱極後知縣王廷佐繼

修加高覆簷為垣萬曆二年知縣陸勳奉檄修

二周五百七十丈有奇高二丈二尺半堞九百九

十一石七承平日久邑濠盡淤居民築室於上據為

己業順七年知縣宗虞搜括原址鑿濬如舊

卷之四

城池

十三

九年寇圍北書役恃以無恐

順治七年知縣吳宗立臺修四門置小亭其上

請修四城 功 尊容

城

成化中知縣江清築土為垣周五里有

南門七十有四丈表四百一十五丈濠環之為門六

二轉以立禮小亭於北池二一自東面

西一自古城港迄城角而東入淮子港

嘉年知縣王亨拓城東南西二十八丈濠環之

入五十丈南出三丈北出四十五丈周千二百九  
十丈嘉靖十三年知縣李調元改題六門城某仍  
舊二十一年知縣盧湘甃門建樓三十六年知縣  
吳哲始甃以磚周八百七十一丈崇二丈址廣二  
丈有奇雉堞千有七百四十八更門扁曰東會崇  
興望京臨武平政文明萬曆七年知縣李學詩增  
甃城五尺九年撮而新之視舊加五尺崇禎九年  
賊首張獻忠攻城知縣張紹登守禦七日力竭城  
陷復爲隍次年五月遊擊馮再榮奉檄修城雉堞  
次修葺

德安府志

卷之四 城池

四

皇清康熙二十三年知縣王化洽以城隍崩卸不便  
巡行築寬丈餘下脚倍之二十四年巡道祖澤深  
知府傅鶴祥協鎮尤三省知縣齊國政見樓堞頽  
廢迺多南門閉塞各捐貲俸修建完整洞開南門  
以啓阜財崇文之治更添設窩舖鳴金傳籌巡邏  
絡繹一方保障嚴如細柳營中矣

孝感縣

舊無城明正德七年流賊起知縣王賢築土爲垣  
周千二百丈崇二丈廣一丈五尺九年知縣翁素  
繼之爲門四各建樓嘉靖十九年水漲城圯知縣  
汪克思以城西有湖築堤障之二十一年知縣鄔  
志舉新闢小東門三十年盜起知縣龍興重築土  
爲垣周五里三十九年復圯於水隆慶六年知縣  
劉琨重建城樓甃以石萬曆元年知縣易元始奉  
檄建磚城二年工始峻明季邑潰垣圯

皇清順治十六年知縣張擢士鳩工庀材三月城盡

德安府志

卷之四 城池

十五

甃爲門六大東曰朝陽小東曰復旦南曰時薰西  
曰迎祥北口拱宸惟文昌門在學宮前舊無樓形  
家言不宜樓也

隨州

舊土城明洪武元年守禦鎮撫李富等始城之以  
南畔湫下徙而北者半悉甃之周六百二十五丈  
計二里一百七十步高二丈五尺南西北三門各  
建樓南樓右增鐘樓爲敵舍二十三爲女牆九百  
五十以治十三年知州李克嗣設關外門四各建

樓沿關築堤周四里許濠遠城周七百丈五尺濠一丈正德中百戶張瑄朱元判官孫益開鑿西北復爲堤五十七丈西建橋嘉靖二十五年僉事鄭汝舟闢南北二門復侵地爲橋甃以石知州朱天秩更闢二濠始就故道嘉靖三十七年知州孫銳加砌以石郭外又作甃城高丈餘周十里樓六座以防水備盜

### 應山縣

舊無城惟有四關門東北二門明正德九年知縣

### 德安府志

### 卷之四 城池

十六

譚一鳳增修嘉靖九年知縣王尚用築土爲垣採石陶甃訖繼知縣王朝遂成之旣而盡圯

皇清順治初知縣蔣永修克集厥成乃復其舊南北直經二里東西建綿二里周六百九十九丈崇二丈址廣二丈二分雉堞千有六十八爲門四東曰環秀南曰聚奎西曰寶成北曰拱宸門各建樓遠城爲壕半臨汶水由西逕而東匯爲深淵西引二橋以逕行旅東建橋閘以司蓄洩